

Қазынашылық облигацияларын шығару туралы

Күшін жойған

Қазақстан Республикасы Үкіметінің 1996 жылғы 8 ақпандағы N 185 Қаулысы.
Күші жойылды - Қазақстан Республикасы Үкіметінің 2011 жылғы 2 желтоқсандағы № 1439 Қаулысымен

Ескерту. Күші жойылды - ҚР Үкіметінің 2011.12.02 № 1439 (алғашқы ресми жарияланған күнінен бастап қолданысқа енгізіледі) Қаулысымен.

Қазақстан Республикасы Үкіметінің шаруашылық жүргізуші субъектілердің алдындағы бюджеттік берешектерді өтеу және олардың төлем жасау қабілетін арттыру жөніндегі міндеттемелерін орындау процесін оңтайландыру мақсатында Қазақстан Республикасының Үкіметі **ҚАУЛЫ ЕТЕДІ:**

1. Қазынашылық облигацияларын шығару, айналысқа қосу және өтеу тәртібі туралы қоса беріліп отырған Ереже бекітілсін.

2. Қазақстан Республикасының Қаржы министрлігі:
бюджеттік берешектерді өтеу мақсатында қазынашылық облигацияларын шығаруды қамтамасыз етсін;
қазынашылық облигацияларын және олармен операцияларды бухгалтерлік есепке алу жөніндегі нұсқаулықты әзірлесін.

Қазақстан Республикасының

Премьер-Министрі

Қазақстан Республикасы
Үкіметінің 1996 жылғы
8 ақпандағы N 185

қаулысымен бекітілген

**Қазынашылық облигацияларын шығару,
айналысқа қосу және өтеу тәртібі туралы
Е Р Е Ж Е**

1. ЖАЛПЫ ЕРЕЖЕЛЕР

1. Қазынашылық облигациялары мемлекеттік бағалы қағаздар болып табылады және Қазақстан Республикасы Үкіметінің шаруашылық жүргізуші субъектілер алдындағы берешегін өтеу және бюджеттік қаржыландыру мақсатында шығарылады.

2. Қазынашылық облигацияларын шығаруды Қазақстан Республикасының

Қаржы министрлігі сериялап жүзеге асырады, олардың әрқайсысы өзінің бірегей нөмірі бар дербес шығарым болып табылады және шығарылымның барлық сомасы ауқымды сертификатпен (қосымша) ресімделеді. Қазынашылық облигациялары бюджеттік берешек сомасында немесе Қазақстан Республикасының Үкіметі бекіткен бюджеттік қаржыландыру сомасында шығарылады. Қазынашылық облигацияларын орналастыру және айналысқа қосу тәртібін бақылауды Қазақстан Республикасының Қаржы министрлігі жүзеге асырады.

3. Бүкіл шығарылымға арналған ауқымды сертификат бірдей екі данада ресімделіп, олардың бірі өкілетті депозитарийде, ал екіншісі - Қазақстан Республикасының Қаржы министрлігінде сақталады. Қазынашылық облигацияларының әр сериясының айналыста болу мерзімі аяқталғаннан кейін және Қазақстан Республикасының Қаржы министрлігі қазынашылық облигацияларын ұстаушылар алдындағы өз міндеттемелерін атқарған соң шығарылымға арналған ауқымды сертификат өтеледі.

4. Уәкілді депозитарий қазынашылық облигацияларының есебін жүргізуді және олардың қозғалысын бақылауды, сондай-ақ қазынашылық облигацияларын иелену құқығын растайтын депо-шоттардан алынған көшірмелер негізінде қазынашылық облигацияларының өтелу сәтінде олардың ақырғы ұстаушыларымен ақшалай есеп айырысуды жүзеге асыратын қаржы агенті ретінде көрінеді. Уәкілді депозитарийді қазынашылық облигацияларының әрбір шығарылымын жүзеге асыру кезінде заңды тұлғалар арасында тендер өткізу арқылы Қазақстан Республикасының Қаржы министрлігі тағайындайды. Депозитарийлер тендерге ұсынатын құжаттардың тізбесін Қазақстан Республикасының қаржы министрлігі айқындайды. Егер ол Қазақстан Республикасының Қаржы министрлігімен жасалған депозитарлық қызмет көрсету туралы шартқа сәйкес қазынашылық облигацияларының бұдан бұрын орналастырылған шығарылымдары бойынша өзінің міндеттемелерін толық орындаған болса, депозитарийді тендер өткізілмей-ақ уәкілді депозитарий тағайындауы мүмкін.

5. Депо - шоттар жөніндегі реквизиттер мен құжат айналысының тәртібі (уәкілді депозитарийдің регламенті) Қазақстан Республикасының Қаржы министрлігімен келісіледі.

6. Уәкілді депозитарий қазынашылық облигацияларын Қазақстан Республикасының Қаржы министрлігімен келісілген уәкілді депозитарийдің бекітілген регламентіне сәйкес қабылдай алады.

II. Қазынашылық облигацияларын шығару

7. Қазынашылық облигациялары заттық емес күйде шығарылады және уәкілді

депозитарийдің депо шоттарындағы жазбалар түрінде орналастырылады.

8. Әрбір шығарылымның өлшемдерін қазынашылық облигацияларын шығару мен айналысқа қосудың шарттарында Қазақстан Республикасының Қаржы министрлігі айқындайды, олар ауқымды сертификатта тіркеледі және мынадай ақпараттарды қамтиды:

шығарылған күні;
шығарылымның рет нөмірі мен тіркелім нөмірі;
қазынашылық облигацияларының бастапқы құны;
шығарылымның жалпы көлемі;
табыстың есептелетін проценті және проценттер төлеудің тәртібі;
айналыста болу мерзімі;
қазынашылық облигацияларымен жүзеге асырылуы мүмкін операциялардың ең көп шекті саны.

9. Қазынашылық облигацияларын шығару өлшемдері мен айналыста болу шарттары Қазақстан Республикасының Қаржы министрлігі мен уәкілді депозитарий арасында жасалатын депозитарлық қызмет көрсету туралы шартта көрсетіледі. Уәкілді депозитарий депозитарлық қызмет көрсету туралы шартта көрсетілген оларды шығару өлшемдері мен шарттарына сәйкес қазынашылық облигацияларының мақсаты пайдалануына бақылау жасауға және әрбір қазынашылық облигациясымен жүзеге асырылатын операциялар санының есебін жүргізуге жауап береді.

10. Уәкілді депозитарий Қазақстан Республикасының Қаржы министрлігімен жасалған депозитарлық қызмет көрсету туралы шарттың негізінде және Қазақстан Республикасының Қаржы министрлігі беретін тізімге сәйкес ауқымды сертификатта көрсетілген бүкіл шығарылымға арналған қазынашылық облигацияларының бастапқы ұстаушыларына депо шоттар ашады. Бастапқы ұстаушылар екі ай ішінде Қазақстан Республикасын Қаржы министрлігіне депо-шоттан көшірме беру арқылы уәкілді депозитарийде депо-шот ашқанын растауы тиіс. Егер бастапқы ұстаушы депо-шот ашқанын растамаса, аталған мерзім өткеннен кейін оған есептелген қазынашылық облигациялары жойылады.

Ескерту. 10-тармаққа өзгеріс енгізілді - ҚРҰ-нің 1996.04.18.

№ 470 қаулысымен.

11. Қайталама рынокта қазынашылық облигацияларын меншіктену құқығын сатып алатын қазынашылық облигацияларын ұстаушылар (осы Ереженің 14-тармағына сәйкес) өз өтініштерінің негізінде уәкілді депозитарийде депо-шоттар ашады.

12. Қазынашылық облигациялары оларды ұстаушының бірінен екіншісіне ауысуы мүмкін және қайталама рынокта еркін айналыста болады. Қазынашылық облигацияларын меншіктену құқықтарының кез-келген ауысуы, осы Ереженің 14

-тармағына сәйкес уәкілді депозитарий арқылы жүзеге асырылады.

13. Қазынашылық облигацияларының депо-шоттар бойынша қозғалысы уәкілді депозитарийдің регламентіне сәйкес иелік ету құжаттары негізінде жүреді. Қазынашылық облигацияларын бір шоттан екінші шотқа ауыстыру негізінде қазынашылық облигацияларын ұстаушыларға олардың талап етуі бойынша облигацияларын меншіктену құқығын растайтын депо-шоттардың көшірмелері беріледі.

III. Қазынашылық операцияларымен жүргізілетін операциялар

14. Уәкілді депозитарийде депо-шот ұстаушы қазынашылық облигацияларының айналыста болуының бүкіл кезеңі ішінде олармен мынадай операцияларды жүзеге асыра алады:

олардың айналыста болу шарттарына сәйкес кез-келген заңды тұлғаға - Қазақстан Республикасының резидентіне сату;
несиелер алу мақсатында олардың айналыста болу мерзімінен аспайтын мерзімге аманатқа салу.

Қазынашылық облигацияларымен жүргізілетін операциялардың 14-тармақта көрсетілген түрлері Қазақстан Республикасы Үкіметінің жекелеген шешімдерімен толықтырылуы мүмкін.

15. Уәкілді депозитарийдің қазынашылық облигацияларының иесіне өздері иелік ету құжаттарында келіскен қазынашылық облигацияларының санын депо-шоттан сатып алушыларға аударудан бас тартуға құқы жоқ.

16. Уәкілді депозитарий Қазақстан Республикасының Қаржы министрлігі бекіткен есеп беру нысаны бойынша қазынашылық облигацияларын меншіктену құқықтарының орын ауыстыруы туралы апта сайын Қазақстан Республикасының Қаржы министрлігіне есеп беріп отырады.

17. Уәкілді депозитарийдегі депо-шоттар және әрбір иесінің шотындағы облигациялардың саны туралы ақпарат қатаң құпия болып табылады.

IV. Қазынашылық облигацияларын өтеу

18. Қазынашылық облигацияларын өтеуді және олар бойынша есептелген проценттер төлеуді Қазақстан Республикасының Қаржы министрлігімен жасалған шарт негізінде қаржы агенті ретінде көрінетін Уәкілді депозитарий оларды соңғы ұстаушылардың есеп айырысу шоттарына ақшалай қаражатты аудару арқылы республикалық бюджет қаржысы есебінен жүзеге асырады.

19. Уәкілді депозитарий қазынашылық облигацияларының айналыста болу мерзімі аяқталғаннан кейін үш жұмыс күнінен кешіктірмей өтеуге арналған жиынтық ведомость жасайды, онда алушылардың деректерін (қазынашылық облигацияларының иелері және Қазақстан Республикасы Ұлттық Банкінің

облыстық есептеу-касса орталықтары) және өтелетін соманы көрсетіп, оны Қазақстан Республикасының Қаржы министрлігіне береді.

20. Қазақстан Республикасының Қаржы министрлігіне өтеуге арналған жиынтық ведомосын алған сәттен бастап үш жұмыс күні ішінде депозитарийдің корреспонденттік шотына ақша қаражатын жиынтық ведомоста көрсетілген көлемде аударды.

21. Уәкілді депозитарий жоғарыда аталған ақша қаражаты өз шотына келіп түскен сәттен бастап жеті жұмыс күнінен кешіктірмей оларды алушылардың шоттарына аударады.

қосымша

Қазынашылық облигацияларының N 001 шығарылымының ауқымды сертификаты

Осы ауқымды сертификат қазынашылық облигациялары шығарылымының бүкіл көлеміне арналып ресімделген.

Қазынашылық облигацияларын "Қазынашылық облигацияларын шығару туралы" 1996 жылғы "8" ақпандағы Қазақстан Республикасы Үкіметінің N 185 қаулысымен бекітілген қазынашылық облигацияларын шығару, айналысқа қосу және өтеу тәртібі туралы Ережеге және "Қазақстан Республикасы Қаржы министрлігінің 1994 жылғы жедел айналыстағы вексельдік міндеттемелерін қазынашылық облигацияларына айналдыру туралы" 1996 жылғы 8 ақпандағы Қазақстан Республикасы Үкіметінің N 178 қаулысына сәйкес Қазақстан Республикасының Қаржы министрлігі шығарады.

Шығарылымның негізгі өлшемдері Қазақстан Республикасы Қаржы министрлігінің 1996 жылғы " " _____ N___ бұйрығымен бекітілген.

Мемлекеттік тіркелім нөмірі: _____

Шығарылымның көлемі _____ теңге

Бір облигацияның бастапқы құны 1000 (бір мың) теңге.

Қазынашылық облигацияларын орналастырудың басталған күні:

1996 жылғы " " _____

Шығарылым нысаны - құжаттамасыз. Шығарылым осы ауқымды сертификатпен ресімделген. Қазынашылық облигацияларын меншіктену құқығы уәкілді депозитарийдегі депо-шоттарға жазып қою нысанында тіркеледі. Қазынашылық облигацияларының бастапқы иелеріне депо-шоттар осы ауқымды сертификаттың қосымшасына сәйкес ашылады.

Айналыста болу шарттары:

1. Қазынашылық облигацияларының айналыста болуы қазынашылық облигацияларын шығару, айналысқа қосу және өтеу тәртібі туралы Ережеге сәйкес Қазақстан Республикасының Қаржы министрлігі мен уәкілді депозитарий арасында депозитарлық ынтымақтастық туралы 1996 жылғы " " _____

жасалған шартқа сәйкес жүзеге асырылады.

2. Әрбір облигация бойынша көзделіп отырған операциялардың ең көп шекті с а н ы : _ _ _ _ _ _ _

Осы Ауқымды сертификат Қазақстан Республикасының Қаржы министрлігі мен уәкілді депозитарий үшін бір-бірден - екі түпнұсқа данада жасалды.